

Thursday, June 5, 2025

Time - 2:30pm - 2:35pm

AKASHVANI AIZAWL

REGIONAL NEWS UNIT

WORLD ENVIRONMENT DAY

World Environment Day pualin vawiin khan ramchhung hotulu ten ramngaw leh thing leh mau chereu zel venhim a pawimawh zia an sawi a, hemi kawngah hian sawrkar chuan hma a la zel dawn tih an sawi.

World Environment Day pual hian Pesident Droupadi Murmu, Vice President Jagdeep Dhankar leh Prime Minister Narendra Modi chuan tunlai khawvel sik leh sa inthlak zelah ramngaw leh nungcha venhim kawnga hmalak thar a pawimawh takzet an ti a, hemi kawngah hma la turin sawrkar chuan nasa takin ke a pen dawn tih an sawi a ni.

President Droupadi Murmu chuan ramngaw thing leh mau venhim kawnga mi tin te hmalakna ah hian te lua a awmlo a ti a, hemi kawngah hian mi tin tanrual a pawimawh tih sawiin chhuan lo la awm zel tur tana khawvel tha zawk pek a pawimawh thu a sawi.

Vice President Jagdeep Dhankhar chuan mihring chenna leilung chu hmangaih leh duat taka enkawl a pawimawh a ti a, ram hring leh fai zawk bakah mi tin te tan himna tluantling zawk buatsaih chu mipuite mawhphurhna a ni tih a sawi bawk.

Prime Minister Narendra Modi chuan social media kaltlangin ramngaw venhim a pawimawh zia a sawi a, a te ber atanga a lian ber thleng tih tur an nei theuh tih sawiin mahni chenna hmangaih kawnga inzirtirna uar a pawimawh thu a sawi bawk.

Prime Minister Narendra Modi chuan vawiin khan World Environment Day pualin thing a phun a, hei hi Ek Ped Maa Ke Naam hmalakna beihpui hnuaiah niin Prime Minister hian Bung thing a phun a ni.

Mizoramah pawh World Environment Day pual hian hmun hrang hrangah “Beat Plastic Pollution” tih thupui hmangin hun hman a ni a, a lawmna pui ber chu Vanapa Hall ah Home Minister Pu K. Sapdanga hoa hman niin Vawiin vek khan Pu K. Sapdanga chuan “Women for Trees – Thingpun beihpui” chu BSUP Lawipu ah a hmanpui a, ‘Women for Trees’ campaign-in a tum ber chu hmeichhe Self Help Group (SHG)-te kaihhruaina hnuaiah thing, a tam thei ang ber, phun a ni a. Khawpui chhunga boruak thianghlim leh tui hna tha zawk kan neih theih nan thingphun theihna tura ram awl awm thei apiang; tui hna awmna bul hnai, park, Sawrkar ram leh a vel, school/college, anganwadi-ah te thingphun campaign hi kalpui tura ruahman a ni.

Environment, Forest and Climate Change Minister Pu Lalthansanga chuan World Environment Day pual hian plastic thatlohzia inzirtirna hun ICFRE-Bamboo & Rattan Centre, Bethlehem Vengthlang-a hun buatsaih a hmanpui a, World Environment Day pual hian YMA branch thenkhatin lui dung an ti fai bawk.

World Environment Day kumina thupui hi kum kalta a plastic in khawvel a tih buai nasat vanga Plastic atanga khawvel chhan chhuah na lam hawi a ni dawn a, Aizawl Divisional Forest Officer Pu Lalnunsanga Khawlhing chuan Akashvani palai nen an inkawmna ah plastic in a khawih pawl thil chu Mizoram in a tuar nasa hle a ni a ti a, fimkhur tlan loh chuan khawvel chhe zel tur venhim kawngah hmmalakna a ti thuanawp thei a ni a ti a, sik leh sa inthlak danah ramngaw humhalh loh chu tuar thei anni tih sawiin mipuite tanrual a pawimawh tih a sawi bawk.

<><><>

CM

Chief Minister Pu Lalduhoma'n vawiin khan Serchhip biala tunhnaia ruahsur nasa avanga chhiatna hrang hrang thlenna hmun a tlawh.

Pu Lalduhoma hian tukin khan Serchhip District-a ruahsur nasa avanga loneitute tawrhna a tawrhpuoi thu leh theihtawp chhuaha sawrkarin an tana hma a lak tur thu a sawi a. ruahsur hian Serchhip leh Thenzawl a hmun tam tak tichhia in huan thlai tam tak a chim a ni.

State Disaster Management & Rehabilitation Department tarlan danin Serchhip District ah hian leimin hmun 137 ah a awm a, inchhia leh in chim 99 awmin in rauhsan 125 a awm a, tui lian avanga in rauhsan 60 awmin kawngpuia leimin hmun 123 ah a awm a, thing tlu pakhat leh electric ban tlu 4 awmin Serchhip District ah hian heng chhiatna hrang hrang avangin mi pakhat a thi a ni.

<><><>

RAILWAY – SPEED TRIAL

Northeast Frontier Railway Chief Public Relation Officer Kishore Sharma chuan Bairabi atanga Sairang pawh Rel kawng chu engkim peihfel ani tawh a ti a, June ni 11 thleng enchhin ani dawn tih sawiin July thla atanga service tura ruahman a ni tih a sawi.

Akashvani palai nen an inkawmna ah he thu hi sawiin Pu Kishore Sharma chuan rel tlan chhin tir chu Sairang Rel Station leh Hortoki inkarah neih ani a ti a, he enchhinna ah hian rel hi vawithum tlan chhin tir a ni tih sawiin he railway line hlawhtling taka an zo thei chu Mizoram tan hlawhtlinna rahbi pawimawh tak a nih thu leh kumin July thla ah hi chuan a nihna tur ang taka hman theih an beisei thu a sawi bawk.

Byte...Chief Public Relation Officer Kishore Sharma

India ram zalen hnua a vawi khatna atan Aizawl dai, Sairang thleng tura Rel kawng siam hi Sorkar laipui hmalakna pawimawh, Act East Policy

tihhlawhtlinna pakhat niin, inkalpawhna tha leh tlawm bakah sum leh pai dinhmu tihhmasawnnana hmarchhak state te thlunzawm chu a tum ber a ni a, he rel kawngah hian Station pali: Hortoki, Kawnpui, Mualkhang, leh Sairang-Sihhmui Station awm tura ruahman niin, leiverh 32, lei lian 55 leh lei te deuh 89 a awm dawn a ni.

<><><>

11 YEARS OF GARIB KALYAN

India chuan kum 11 kalta chhung khan Prime Miniser Narendra Modi kaihhruaina hnuaiah a intiamna Seva, Sushasan leh Grib Kalyan hmangin hmasawwna nasa tak a hmu a, Akashvani chuan sawrkar hmasawwna hrang hrang hi phochhuakin vawiinah chuan infiamna leh zirna lama an ramin hma a sawwna chungchang phochhuah a ni ang.

Voicecast

Prime Minister Narendra Modi chuan kum 11 chhungin ramchhunga hmasawwna tam tak a thleng a ti a, heng hmasawwna te hi mipui kilkhawr ber thleng phak hmasawwna a ni tih sawiin sawrkar chuan mipuite hmasawwna tluantling chhawpchhuah sak turin theihtawp a chhuah zel dawn tih a sawi bawk.

<><><>